




Sensibilité politique  
Boîte postale 83  
L-7201 Bereldange

Fernand ETGEN  
President vun der Deputéiertechamber  
19, um Krautmaart  
L-1728 Lëtzebuerg



Lëtzebuerg, den 13/02/2019

Här Prääsident,

**Sou wéi den Artikel 83 vun eisem Chambersreglement et virgesäit, bieden ech lech, dës parlamentaresch Fro un de Premierminister an de Minister fir Aussenugeleeënheeten an Europa weiderzeleeden.**

De 26. Mee 2019 wäerten zu Lëtzebuerg d'Europawahle stattfannen. Persounen, déi zu Lëtzebuerg ugemellt sinn an eng Nationalitéit aus engem vun den aneren EU-Staaten hunn, kënnen sech dowéinst aktuell ob Wielerlëschten aschreiwe loossen. Well Groussbritannien aktuell jo ëmmer nach zur EU gehéiert ass et och de Briten zu Lëtzebuerg méiglech, sech ob d'Wielerlëschte setzen ze loossen an am Mee mat ofzestëmmen. Virum Hannergrond vum Brexit erginn sech an dem Kontext allerdéngs eng Rei Onkloerheeten.

An deem Zesammenhang wéilt ech de Ministeren dës Froe stellen:

- Wei vill Brite sinn aktuell schonn op de Wielerlëschte fir déi kommend EU-Wahlen ageschriwwen?
- Däerfe schonn ageschriwwe Wieler de 26. Mee nach wile goen, falls Groussbritannien virum 26. Mee d'EU verléisst?
- Wat géing mat de Stemme vun de Brite geschéien, wann Groussbritannien eréischt nom 26. Mee d'EU verlosse géing? Géing d'Parlament néi besat ginn, ouni d'britesch Stemmen a Consideratioun ze huelen, oder wäert d'europäesch Parlament och weiderhi britesch Stëmme representéieren, obwuel des d'EU verlooss hunn?

Mat déiwem Respekt,

CLEMENT Sven  
Député



[www.piraten.lu](http://www.piraten.lu)